



Broj: 01-50-1-15-9/23
Sarajevo, 24. 7. 2023.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 10-08-2023

Organizaciona jedinica	Klasifikaciona oznaka	Redni broj	Broj priloga

B

ZAPISNIK

9. sjednice Predstavničkog doma
Parlamentarne skupštine Bosne i Hercegovine,
održane 24. 7. 2023.

Sjednica je počela u 12.20 sati. Prisustvovao je 41 poslanik.

Odsustvovao je Obren Petrović.

Sjednici su prisustvovali: ministar pravde BiH Davor Bunoza, ministar vanjske trgovine i ekonomskih odnosa BiH Staša Košarac i zamjenik ministra pravde BiH Elvir Mahmuzić. Dostavljena su obavještenja da predsjedavajuća Vijeća ministara BiH Borjana Krišto i zamjenik ministra vanjskih poslova BiH Josip Brkić nisu u mogućnosti prisustvovati sjednici, zbog ranije preuzetih obaveza.

Sjednicu su pratili predstavnici: Institucije ombudsmena za ljudska prava BiH, Ministarstva civilnih poslova BiH, Ministarstva komunikacija i prometa BiH i Agencije za zaštitu ličnih podataka u BiH, te predstavnici OSCE-a, Vijeća Evrope, Ambasade Nizozemske u Sarajevu, kao i predstavnici Udruženja poslodavaca u Federaciji BiH.

Predsjedavajući je, povodom utvrđivanja dnevnog reda, rekao sljedeće:

S dnevnog reda skinute su ranije:

- Tačka 21. - Godišnji konsolidirani izvještaj interne revizije za 2022, podnosilac: Ministarstvo finansija i trezora BiH, akt broj: 01,02-16-1-1517/23 od 11. 7. 2023;
- Tačka 22. - Konsolidirani godišnji izvještaj o sistemu finansijskog upravljanja i kontrole u institucijama Bosne i Hercegovine za 2022, podnosilac: Ministarstvo finansija i trezora BiH, akt broj: 01,02-16-1-1518/23 od 11. 7. 2023;
- Tačka 24. - Poslanička inicijativa Šemsudina Mehmedovića, broj: 01-50-1-1365/23 od 19. 6. 2023, na zahtjev Komisije za finansije i budžet;
- Tačka 23. - Poslanička inicijativa Milorada Kojića, broj: 01-50-1-944/23 od 19. 4. 2023, jer je predlagač 18. 7. 2023. dostavio akt o povlačenju inicijative iz procedure;

- Tačka 25. - Poslanička inicijativa Šemsudina Mehmedovića, broj: 01-50-1-1431/23 od 3. 7. 2023, na zahtjev Zajedničke komisije za odbranu i sigurnost BiH.

Izmijenjena je:

- Tačka 8. - Prijedlog zakona o izmjenama i dopunama Zakona o Visokom sudskom i tužilačkom vijeću Bosne i Hercegovine, P.Z.E.I, predlagač: Vijeće ministara BiH, broj: 01,02-02-1-1424/23 od 17. 7. 2023, skraćeni postupak (prvo čitanje), u pogledu datuma jer je predlagač naknadno dostavio korigirani tekst prijedloga zakona.

Dopunjena je:

- Tačka 6. - Prijedlog zakona o izmjeni Zakona o državljanstvu Bosne i Hercegovine, predlagač: poslanik Denis Zvizdić, zakon broj: 01-02-1-1050/23 od 8. 5. 2023, s mišljenjima Ustavnopravne komisije i Zajedničke komisije za ljudska prava, koja su negativna.

Dodata je:

- Tačka 21. - Prijedlog zaključka poslanika Darka Babalja, broj: 01-50-1-1624/23 od 24. 7. 2023.

U okviru rasprave o dnevnom redu Šerif Špago predložio je da se dnevni red dopuni tačkom: Prijedlog rezolucije o zaštiti ustavnog poretka Bosne i Hercegovine s pozivom na odlučno djelovanje, predlagač: poslanici Šerif Špago, Edin Ramić, Šemsudin Dedić, Milan Dunović, Jasmin Emrić, Safet Kešo, Amor Mašović, Šemsudin Mehmedović, Zlatan Begić, Elvisa Hodžić, Midhat Čaušević, Nermin Mandra, Denijal Tulumović i Vlatko Glavaš. „Za“ prijedlog Šerifa Špage za dopunu dnevnog reda glasala su 24 poslanika (iz Federacije BiH 23, iz Republike Srpske jedan), „protiv“ 16, „suzdržanih nije bilo. Predsjedavajući je konstatirao da nema potrebne entitetske većine u prvom krugu glasanja, te da će Kolegij Doma kao komisija obaviti naknadno usaglašavanje o navedenom prijedlogu za dopunu dnevnog reda.

Predsjedavajući je konstatirao da 9. sjednica Predstavničkog doma ima sljedeći

DNEVNI RED

1. Usvajanje Zapisnika 8. sjednice Predstavničkog doma Parlamentarne skupštine BiH;
2. Komentari na dobivene odgovore na poslanička pitanja;
3. Prijedlog zakona o izmjenama i dopunama Zakona o ombudsmenu za ljudska prava Bosne i Hercegovine, P.Z.E.I, predlagač: Vijeće ministara BiH, broj: 01,02-02-1-1832/22 od 18. 11. 2022, skraćeni postupak (drugo čitanje);

4. Prijedlog zakona o izmjeni Zakona o radu u institucijama Bosne i Hercegovine, predlagač: poslanici Predrag Kojović, Sabina Ćudić i Aida Baručija, broj: 01-02-1-701/23 od 24. 3. 2023, skraćeni postupak (drugo čitanje);
5. Prijedlog zakona o slobodi pristupa informacijama na nivou institucija Bosne i Hercegovine, P.Z.E.I, predlagač: Vijeće ministara BiH, broj: 01,02-02-1-1031/23 od 30. 5. 2023, skraćeni postupak (drugo čitanje);
6. Prijedlog zakona o izmjeni Zakona o državljanstvu Bosne i Hercegovine, predlagač: poslanik Denis Zvizdić, zakon broj: 01-02-1-1050/23 od 8. 5. 2023, s mišljenjima Ustavnopravne komisije i Zajedničke komisije za ljudska prava;
7. Prijedlog zakona o izmjenama Zakona o porezu na dodatu vrijednost, predlagač: poslanici Mladen Bosić i Darko Babalj, broj: 01-02-1-1261/23 od 7. 6. 2023, skraćeni postupak (prvo čitanje);
8. Prijedlog zakona o izmjenama i dopunama Zakona o Visokom sudskom i tužilačkom vijeću Bosne i Hercegovine, P.Z.E.I, predlagač: Vijeće ministara BiH, broj: 01,02-02-1-1424/23 od 17. 7. 2023, skraćeni postupak (prvo čitanje);
9. Prijedlog dopune Poslovnika Predstavničkog doma Parlamentarne skupštine Bosne i Hercegovine, predlagač: poslanica Mia Karamehić-Abazović, broj: 01-02-4-1447/23 od 4. 7. 2023. (prvo čitanje);
10. Izvještaj komisije Kolegija o nastojanju za postizanje saglasnosti o Prijedlogu zakona o izmjenama i dopunama Zakona o službi u Oružanim snagama Bosne i Hercegovine, predlagač: Vijeće ministara BiH, skraćeni postupak (zakon u prvom čitanju), broj: 01,02-02-1-607/23 od 6. 7. 2023;
11. Izvještaj komisije Kolegija o nastojanju za postizanje saglasnosti o Izvještaju o radu Vijeća ministara BiH za 2021. godinu, broj: 01,02-50-18-1460/22 od 6. 7. 2023;
12. Izvještaj komisije Kolegija o nastojanju za postizanje saglasnosti o Izvještaju o primjeni Jedinostvenih pravila za izradu pravnih propisa u institucijama Bosne i Hercegovine, podnosilac: Ministarstvo pravde BiH, akt broj: 01,02-50-18-985/23 od 6. 7. 2023;
13. Izvještaj komisije Kolegija o nastojanju za postizanje saglasnosti o poslaničkoj inicijativi Nihada Omerovića, broj: 01-50-1-1115/23 od 6. 7. 2023;
14. Izvještaj komisije Kolegija o nastojanju za postizanje saglasnosti o poslaničkoj inicijativi Nihada Omerovića, broj: 01-50-1-1117/23 od 6. 7. 2023;
15. Izvještaj komisije Kolegija o nastojanju za postizanje saglasnosti o prijedlogu zaključka iz Mišljenja Zajedničke komisije za ekonomske reforme i razvoj o poslaničkoj inicijativi Nihada Omerovića, broj: 01-50-1-1117/23 od 6. 7. 2023;
16. Izvještaj o radu Vijeća ministara BiH za 2022, akt broj: 01,02-50-18-1288/23 od 8. 6. 2023;
17. Izvještaj o radu Vijeća nacionalnih manjina BiH za 2022. godinu, broj: 05/7-39-1-263/23 od 2. 2. 2023;
18. Izvještaj o zaštiti ličnih podataka u Bosni i Hercegovini za 2022. godinu, podnosilac: Agencija za zaštitu ličnih podataka u BiH, broj: 01,02-04-1-1345/23 od 15. 6. 2023;
19. Izvještaj o radu Komisije za odlučivanje o sukobu interesa za 2022. godinu, broj: 01,02-50-18-1387/23 od 21. 6. 2023;
20. Izvještaj o izvršenoj reviziji učinka Praćenje realizacije preporuka revizije učinka „Elektronsko poslovanje u institucijama Bosne i Hercegovine – uspostava i primjena“, podnosilac: Ured za reviziju institucija BiH, broj: 01-16-10-1429/23 od 30. 6. 2023;

21. Prijedlog zaključka poslanika Darka Babalja, broj: 01-50-1-1624/23 od 24. 7. 2023.

Ad. 1. Usvajanje Zapisnika 8. sjednice Predstavničkog doma Parlamentarne skupštine BiH

Predsjedavajući je dao uvodne napomene.

Safet Kešo dao je primjedbu na zapisnik u smislu navođenja prisustva sjednici predsjedavajuće i članova Vijeća ministara BiH, rekavši da je opravdano da se u zapisniku poimenično navedu članovi Vijeća ministara BiH koji su prisustvovali sjednici.

Zapisnik 8. sjednice Predstavničkog doma usvojen je s 34 glasa „za“ (iz Federacije BiH 23, iz Republike Srpske 11), jednim „protiv“ i dva glasa „suzdržan“.

Ad. 2. Komentari na dobivene odgovore na poslanička pitanja

Predsjedavajući je rekao da su, u skladu s članom 170. Poslovnika, do ove sjednice Doma pitanja i inicijative u pisanoj formi postavili poslanici:

- Saša Magazinović – postavio 10 pitanja,
- Šemsudin Mehmedović – postavio dva pitanja,
- Darko Babalj – postavio dva pitanja i uputio inicijativu Kolegiju,
- Milorad Kojić – postavio dva pitanja,
- po jedno pitanje postavile su Ermina Salkičević-Dizdarević, Sanja Vulić, Midhat Čaušević i Šerif Špago.

Do današnje sjednice dostavljeni su sljedeći odgovori:

- na pitanja Šemsudina Mehmedovića dostavljeno je sedam odgovora i jedno obavještenje,
- na pitanja Saše Magazinovića dostavljeno je 20 odgovora,
- na pitanja Aide Baručije dostavljena su 32 odgovora,
- na pitanja Mire Pekić dostavljena su dva odgovora,
- na pitanja Rejhane Dervišević dostavljena su dva odgovora.
- na pitanje Slavka Matića dostavljen je jedan odgovor.

Dobivene odgovore komentirao je Šemsudin Mehmedović.

Ad. 3. Prijedlog zakona o izmjenama i dopunama Zakona o ombudsmenu za ljudska prava Bosne i Hercegovine, P.Z.E.I, predlagač: Vijeće ministara BiH, broj: 01,02-02-1-1832/22 od 18. 11. 2022, skraćeni postupak (drugo čitanje)

Predsjedavajući je dao uvodne napomene. U raspravi su učestvovali Mira Pekić i Midhat Čaušević.

„Za“ Prijedlog zakona o izmjenama i dopunama Zakona o ombudsmenu za ljudska prava Bosne i Hercegovine, P.Z.E.I. u drugom čitanju glasala su 24 poslanika (iz Federacije BiH), „protiv“ 13, „suzdržan“ jedan. Predsjedavajući je konstatirao da nema potrebne entitetske većine u prvom krugu glasanja i da će Kolegij Doma kao komisija obaviti naknadno usaglašavanje o navedenom prijedlogu zakona u drugom čitanju.

Ad. 4. Prijedlog zakona o izmjeni Zakona o radu u institucijama Bosne i Hercegovine, predlagač: poslanici Predrag Kojović, Sabina Čudić i Aida Baručija, broj: 01-02-1-701/23 od 24. 3. 2023, skraćeni postupak (drugo čitanje)

Nakon uvodnih napomena predsjedavajućeg nije bilo rasprave.

Prijedlog zakona o izmjeni Zakona o radu u institucijama Bosne i Hercegovine usvojen je u drugom čitanju s 37 glasova „za“ (iz Federacije BiH 27, iz Republike Srpske 10), bez glasova „protiv“ i jednim glasom „suzdržan“. Time je usvojen amandman iz Izvještaja Ustavnopravne komisije, koji je postao sastavni dio zakona, a glasi:

Amandman I.

U članu 1. kojim se mijenja član 38. Zakona, iza stava 2. dodaje se novi stav 3. koji glasi:

„3. Žena s djetetom ili zaposlenik-otac djeteta imaju pravo da rade polovinu punog radnog vremena dok dijete ne navrší tri godine ako mu je, prema nalazu ovlaštenog doktora medicine, potrebna pojačana njega.“

Ad. 5. Prijedlog zakona o slobodi pristupa informacijama na nivou institucija Bosne i Hercegovine, P.Z.E.I, predlagač: Vijeće ministara BiH, broj: 01,02-02-1-1031/23 od 30. 5. 2023, skraćeni postupak (drugo čitanje)

Nakon uvodnih napomena predsjedavajućeg u raspravi su učestvovali: Šerif Špago, Saša Magazinović, Safet Kešo, Branislav Borenović, Sanja Vulić, Milorad Kojić, Albin Muslić, Jasmin Emrić, Sabina Čudić, Nihad Omerović, Mia Karamehić-Abazović, Milan Petković, Milan Dunović, Denis Zvizdić i Zlatan Begić, a ministar pravde BiH Davor Bunoza obrazložio je Prijedlog zakona te je na kraju rasprave odgovorio na određene navode poslanika.

U plenarnoj fazi amandmana na Prijedlog zakona o slobodi pristupa informacijama na nivou institucija Bosne i Hercegovine podnijeli su poslanici Šerif Špage (šest amandmana) i Albin Muslić (jedan amandman).

„Za“ prijedlog amandmana poslanika Šerifa Špage glasala su 23 poslanika (iz Federacije BiH), „protiv“ 10, „suzdržanih“ pet. Predsjedavajući je konstatirao da nema potrebne entitetske većine u prvom krugu glasanja i da će Kolegij Doma kao komisija obaviti naknadno usaglašavanje o navedenom prijedlogu amandmana poslanika Šerifa Špage, koji glase:

Amandman I.

U članu 5. tačka r) briše se. Tačke s) i t) ovog člana postaju tačke r) i s).

Amandman II.

U članu 17. stav (1) mijenja se i glasi:

„(1) Institucija BiH obavezna je, radi osiguravanja pristupa informacijama, imenovati službenika za informiranje u roku od šest mjeseci od dana stupanja na snagu ovog zakona, čiji se službeni podaci s kontakt adresom dostavljaju Instituciji ombudsmena za ljudska prava Bosne i Hercegovine (u daljnjem tekstu: Institucija ombudsmena), te objavljuju na internetskoj stranici institucije BiH, u roku od osam dana od dana imenovanja.“

U stavu (2) istog člana, kao i u ostatku teksta Zakona, riječi: „Žalbeno vijeće“ u odgovarajućem padežu zamjenjuju se riječima: „Institucija ombudsmena“ u odgovarajućem padežu.

U stavu (6) istog člana zarez i riječi „Žalbenom vijeću“ brišu se.

Amandman III.

U članu 23. stav (4) poslije riječi „se“ dodaje se veznik „i“.

Amandman IV.

Član 36. briše se, a naredni članovi numeriraju se u skladu s tim).

Amandman V.

Naziv i tekst člana 47. mijenjaju se i glase:

„Član 47.

(Nadležnosti Institucije ombudsmena kao drugostepenog organa)

(1) Pored ovlaštenja uređenih drugim zakonima, Institucija ombudsmena obavlja i poslove drugostepenog organa u rješavanju žalbi o ostvarivanju prava na pristup informacijama i prava na ponovno upotrebu dokumenata u skladu s ovim zakonom.

(2) Drugostepeni postupak pred Institucijom ombudsmena vodi se u skladu s odredbama Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), osim ako ovim zakonom nije drugačije određeno.

(3) U svrhu vođenja drugostepenog postupka i ostalih stručnih i tehničkih poslova u vezi sa osiguravanjem slobode pristupa informacijama iz ovog zakona, u okviru Institucije ombudsmena osniva se Odjel za slobodu pristupa informacijama.“

Amandman VI.

Naziv i tekst člana 48. mijenja se i glasi:

„Član 48.

(Ostale nadležnosti Institucije ombudsmena)

(1) U svrhu osiguranja ostvarivanja najviših standarda u oblasti slobode pristupa informacijama, Institucija ombudsmena može da predlaže institucijama BiH preduzimanje konkretnih mjera radi unapređenja ostvarivanja prava na pristup informacijama i ponovnu upotrebu dokumenata propisanih ovim zakonom ili da na upit institucije BiH da stručno mišljenje u pogledu primjene ovog zakona.

(2) U svrhu provođenja i unapređenja primjene ovog zakona, Institucija ombudsmena dužna je i ovlaštena da:

- a) inicira donošenje, izmjene i dopune propisa radi provođenja i unapređenja prava na pristup informacijama i ponovnu upotrebu dokumenata;
- b) predlaže institucijama BiH preduzimanje mjera s ciljem unapređivanja ostvarivanja slobode pristupa informacijama;
- c) preduzima mjere potrebne za obuku zaposlenih u institucijama BiH i upoznavanje zaposlenih s njihovim obavezama u vezi s primjenom ovog zakona;
- d) prikuplja i analizira statističke podatke o primjeni ovog zakona, koje su mu dužni dostavljati službenici za informiranje u smislu člana 17. stav (8) ovog zakona, te u svom godišnjem izvještaju sačini posebni dio koji se odnosi na njegove aktivnosti u smislu ovog zakona;
- e) radi na promociji ovog zakona, informira javnost, podiže svijest, provodi kampanje i na druge načine aktivno promovira ostvarivanje prava na pristup informacijama i prava na ponovnu upotrebu dokumenata;
- f) daje mišljenje na nacрте zakona i prijedloge drugih propisa, kao i dokumenata javnih politika, ako se njima uređuju pitanja koja su značajna za ostvarivanje prava na pristup informacijama i prava na ponovnu upotrebu dokumenata;
- g) obavlja i druge poslove određene ovim zakonom.”

Prijedlog amandmana poslanika Albina Muslića usvojen je s 31 glasom „za“ (iz Federacije BiH 25, iz Republike Srpske šest), jednim „protiv“ i šest glasova „suzdržan“.

Amandman glasi:

Amandman I.

U članu 38. stav (3) briše se.

Predsjedavajući je konstatirao da će se Predstavnički dom o Prijedlogu zakona o slobodi pristupa informacijama na nivou institucija Bosne i Hercegovine u drugom čitanju izjasniti naknadno, nakon okončanja procedure po amandmanima, u skladu s članom 125. stav (4) Poslovnika.

Ad. 6. Prijedlog zakona o izmjeni Zakona o državljanstvu Bosne i Hercegovine, predlagač: poslanik Denis Zvizdić, zakon broj: 01-02-1-1050/23 od 8. 5. 2023, s mišljenjima Ustavnopravne komisije i Zajedničke komisije za ljudska prava

Nakon uvodnih napomena predsjedavajućeg nije bilo rasprave.

„Za“ Mišljenje Ustavnopravne komisije glasalo je 13 poslanika (iz Federacije BiH četiri, iz Republike Srpske devet), „protiv“ 25, „suzdržanih“ nije bilo. Predsjedavajući je konstatirao da Mišljenje nije prihvaćeno i da se zakonodavni postupak po Prijedlogu zakona o izmjeni Zakona o državljanstvu Bosne i Hercegovine obustavlja, u skladu s članom 113. stav (4) Poslovnika.

Ad. 7. Prijedlog zakona o izmjenama Zakona o porezu na dodatu vrijednost, predlagač: poslanici Mladen Bosić i Darko Babalj, broj: 01-02-1-1261/23 od 7. 6. 2023, skraćeni postupak (prvo čitanje)

Nakon uvodnih napomena predsjedavajućeg Prijedlog zakona obrazložio je Mladen Bosić. U raspravi su učestvovali: Milorad Kojić, Nihad Omerović, Saša Magazinović, Čedomir Stojanović, Sanja Vulić, Mira Pekić, Darko Babalj, Mladen Bosić, Jasmin Emrić, Šerif Špago i Predrag Kožul.

Na prijedlog Nihada Omerovića, s 36 glasova „za“ (iz Federacije BiH 25, iz Republike Srpske 11), jednim „protiv“ i jednim glasom „suzdržan“, usvojen je sljedeći zaključak: „Zadužuje se Uprava za indirektno oporezivanje BiH da, u svim slučajevima upućivanja u parlamentarnu proceduru prijedloga zakona o izmjenama i dopunama Zakona o porezu na dodatu vrijednost ili izrade novog predmetnog zakona, dostavi svoje mišljenje o predviđenim izmjenama ili novom zakonu s eventualno pratećom finansijskom analizom i zaključcima eventualnih finansijskih implikacija.“

Prijedlog zakona o izmjenama Zakona o porezu na dodatu vrijednost usvojen je u prvom čitanju s 36 glasova „za“ (iz Federacije BiH 26, iz Republike Srpske 10), bez glasova „protiv“ i dva glasa „suzdržan“.

Ad. 8. Prijedlog zakona o izmjenama i dopunama Zakona o Visokom sudskom i tužilačkom vijeću Bosne i Hercegovine, P.Z.E.I, predlagač: Vijeće ministara BiH, broj: 01,02-02-1-1424/23 od 17. 7. 2023, skraćeni postupak (prvo čitanje)

Nakon uvodnih napomena predsjedavajućeg obrazloženje Prijedloga zakona dao je ministar pravde BiH Davor Bunoza.

U raspravi su učestvovali: Saša Magazinović, Šerif Špago, Milorad Kojić, Mladen Bosić, Predrag Kožul, Midhat Čaušević, Safet Kešo, Nermin Mandra, Nenad Grković, Zlatan Begić i Jasmin Imamović.

„Za“ Prijedlog zakona o izmjenama i dopunama Zakona o Visokom sudskom i tužilačkom vijeću Bosne i Hercegovine u prvom čitanju glasalo je 17 poslanika (iz Federacije BiH), „protiv“ 16, „suzdržanih“ pet. Predsjedavajući je konstatirao da nema potrebne entitetske većine u prvom krugu glasanja i da će Kolegij Doma kao komisija obaviti naknadno usaglašavanje o navedenom prijedlogu zakona u prvom čitanju.

Ad. 9. Prijedlog dopune Poslovnika Predstavničkog doma Parlamentarne skupštine Bosne i Hercegovine, predlagač: poslanica Mia Karamehić-Abazović, broj: 01-02-4-1447/23 od 4. 7. 2023. (prvo čitanje)

Nakon uvodnih napomena predsjedavajućeg u raspravi su učestvovali: Nenad Grković, Mia Karamehić-Abazović i Saša Magazinović.

Prijedlog dopune Poslovnika Predstavničkog doma Parlamentarne skupštine Bosne i Hercegovine usvojen je u prvom čitanju s 37 glasova „za“ (iz Federacije BiH 26, iz Republike Srpske 11), bez glasova „protiv“ i jednim glasom „suzdržan“.

Ad. 10. Izvještaj komisije Kolegija o nastojanju za postizanje saglasnosti o Prijedlogu zakona o izmjenama i dopunama Zakona o službi u Oružanim snagama Bosne i Hercegovine, predlagač: Vijeće ministara BiH, skraćeni postupak (zakon u prvom čitanju), broj: 01,02-02-1-607/23 od 6. 7. 2023.

Nakon uvodnih napomena predsjedavajućeg nije bilo rasprave, jer je okončana na prethodnoj sjednici.

Dom je, u drugom krugu glasanja, odbio Prijedlog zakona o izmjenama i dopunama Zakona o službi u Oružanim snagama Bosne i Hercegovine – „za“ je glasalo 27 poslanika, „protiv“ 11 (iz Republike Srpske), „suzdržanih“ nije bilo.

Ad. 11. Izvještaj komisije Kolegija o nastojanju za postizanje saglasnosti o Izvještaju o radu Vijeća ministara BiH za 2021. godinu, broj: 01,02-50-18-1460/22 od 6. 7. 2023.

Nakon uvodnih napomena predsjedavajućeg nije bilo rasprave, jer je okončana na prethodnoj sjednici.

Dom je, u drugom krugu glasanja, usvojio Izvještaj o radu Vijeća ministara BiH za 2021. godinu - „za“ je glasalo 15 poslanika, „protiv“ 14 (iz Federacije BiH devet, iz Republike Srpske pet), a „suzdržanih“ je bilo devet poslanika.

Ad. 12. Izvještaj komisije Kolegija o nastojanju za postizanje saglasnosti o Izvještaju o primjeni Jedinostvenih pravila za izradu pravnih propisa u institucijama Bosne i Hercegovine, podnosilac: Ministarstvo pravde BiH, akt broj: 01,02-50-18-985/23 od 6. 7. 2023.

Nakon uvodnih napomena predsjedavajućeg nije bilo rasprave, jer je okončana na prethodnoj sjednici.

Dom, u drugom krugu glasanja, nije usvojio Izvještaj o primjeni Jedinostvenih pravila za izradu pravnih propisa u institucijama Bosne i Hercegovine - „za“ je glasalo 18 poslanika, „protiv“ 17 (iz Federacije BiH šest, iz Republike Srpske 11), a „suzdržana“ su bila tri poslanika.

Ad. 13. Izvještaj komisije Kolegija o nastojanju za postizanje saglasnosti o poslaničkoj inicijativi Nihada Omerovića, broj: 01-50-1-1115/23 od 6. 7. 2023.

Nakon uvodnih napomena predsjedavajućeg nije bilo rasprave, jer je okončana na prethodnoj sjednici.

Dom, u drugom krugu glasanja, nije usvojio poslaničku inicijativu Nihada Omerovića - „za“ je glasao 21 poslanik, „protiv“ 13 (iz Federacije BiH tri, iz Republike Srpske 10), „suzdržana“ tri poslanika.

Ad. 14. Izvještaj komisije Kolegija o nastojanju za postizanje saglasnosti o poslaničkoj inicijativi Nihada Omerovića, broj: 01-50-1-1117/23 od 6. 7. 2023.

Nakon uvodnih napomena predsjedavajućeg nije bilo rasprave, jer je okončana na prethodnoj sjednici.

Dom je, u drugom krugu glasanja, usvojio poslaničku inicijativu Nihada Omerovića - „za“ je glasalo 25 poslanika, „protiv“ sedam (iz Federacije BiH jedan, iz Republike Srpske šest), „suzdržanih“ pet. Inicijativa glasi: „Donošenje odluke o utvrđivanju godišnje kvote radnih dozvola za zapošljavanje stranaca u BiH u 2023. godini po pojednostavljenim procedurama. S ciljem prevazilaženja nepovoljnog stanja u pogledu određenih privrednih grana na čitavom području BiH, kada je u pitanju aktuelna problematika nedostatka određenih radnih zanimanja, podnosim inicijativu da se u roku od 60 dana, na nivou Vijeća ministara BiH, a delegirano od Ministarstva civilnih poslova BiH, donese odluka o utvrđivanju godišnje kvote radnih dozvola za zapošljavanje stranaca u BiH u 2023. godini, koja će se realizirati po skraćenim procedurama za uvoz radne snage koja je trenutno u kategoriji deficitarnih zanimanja.“

Ad. 15. Izvještaj komisije Kolegija o nastojanju za postizanje saglasnosti o prijedlogu zaključka iz Mišljenja Zajedničke komisije za ekonomske reforme i razvoj o poslaničkoj inicijativi Nihada Omerovića, broj: 01-50-1-1117/23 od 6. 7. 2023.

Nakon uvodnih napomena predsjedavajućeg nije bilo rasprave, jer je okončana na prethodnoj sjednici.

Dom je, u drugom krugu glasanja, usvojio zaključak iz Mišljenja Zajedničke komisije za ekonomske reforme i razvoj o poslaničkoj inicijativi Nihada Omerovića - „za“ je glasalo 26 poslanika, „protiv“ šest (iz Republike Srpske), „suzdržanih“ pet. Zaključak glasi: „Nadležne institucije prilikom utvrđivanja godišnje kvote radnih dozvola za zapošljavanje stranaca u Bosni i Hercegovini treba da vode računa o zaštiti prava domaće radne snage kako se ne bi ugrozila njena konkurentnost na tržištu rada.“

Ad. 16. Izvještaj o radu Vijeća ministara BiH za 2022, akt broj: 01,02-50-18-1288/23 od 8. 6. 2023.

Predsjedavajući je dao uvodne napomene. Nije bilo rasprave.

Predstavnički dom nije usvojio Izvještaj o radu Vijeća ministara BiH za 2022. „Za“ je glasalo 13 poslanika (iz Federacije BiH sedam, iz Republike Srpske šest), „protiv“ 15, „suzdržanih“ devet.

Ad. 17. Izvještaj o radu Vijeća nacionalnih manjina BiH za 2022. godinu, broj: 05/7-39-1-263/23 od 2. 2. 2023.

Predsjedavajući je dao uvodne napomene. Nije bilo rasprave.

Izvještaj o radu Vijeća nacionalnih manjina BiH za 2022. godinu usvojen je s 35 glasova „za“ (iz Federacije BiH 24, iz Republike Srpske 11), bez glasova „protiv“ i dva glasa „suzdržan“.

Ad. 18. Izvještaj o zaštiti ličnih podataka u Bosni i Hercegovini za 2022. godinu, podnosilac: Agencija za zaštitu ličnih podataka u BiH, broj: 01,02-04-1-1345/23 od 15. 6. 2023.

Predsjedavajući je dao uvodne napomene. Diskutirala je Sanja Vulić.

Predstavnički dom je, s 25 glasova „za“ (iz Federacije BiH 19, iz Republike Srpske šest), šest „protiv“ i šest glasova „suzdržan“, usvojio Izvještaj o zaštiti ličnih podataka u Bosni i Hercegovini za 2022. godinu.

Ad. 19. Izvještaj o radu Komisije za odlučivanje o sukobu interesa za 2022. godinu, broj: 01,02-50-18-1387/23 od 21. 6. 2023.

Predsjedavajući je dao uvodne napomene. Nije bilo rasprave.

Izvještaj o radu Komisije za odlučivanje o sukobu interesa za 2022. godinu usvojen je s 32 glasa „za“ (iz Federacije BiH 21, iz Republike Srpske 11), tri „protiv“ i dva glasa „suzdržan“.

Ad. 20. Izvještaj o izvršenoj reviziji učinka Praćenje realizacije preporuka revizije učinka „Elektronsko poslovanje u institucijama Bosne i Hercegovine – uspostava i primjena“, podnosilac: Ured za reviziju institucija BiH, broj: 01-16-10-1429/23 od 30. 6. 2023.

Predsjedavajući je dao uvodne napomene. Nije bilo rasprave.

Izvještaj o izvršenoj reviziji učinka Praćenje realizacije preporuka revizije učinka „Elektronsko poslovanje u institucijama Bosne i Hercegovine – uspostava i primjena“ usvojen je s 34 glasa „za“ (iz Federacije BiH 23, iz Republike Srpske 11), bez glasova „protiv“ i tri glasa „suzdržan“.

Ad. 21. Prijedlog zaključka poslanika Darka Babalja, broj: 01-50-1-1624/23 od 24. 7. 2023.

Predsjedavajući je dao uvodne napomene. Nije bilo rasprave.

Predstavnički dom je, s 30 glasova „za“ (iz Federacije BiH 19, iz Republike Srpske 11), bez glasova „protiv“ i sedam glasova „suzdržan“, usvojio prijedlog zaključka poslanika Darka Babalja, koji glasi: „Zadužuje se resorno ministarstvo u Vijeću ministara BiH, nadležna ministarstva entiteta i kantona da, u roku od 15 dana od usvajanja zaključka, izvrše analize štete koju su pretrpjeli uzgajivači svinja zahvaćenih afričkom kugom kao i poljoprivredna domaćinstva pogođena superćelijskom olujom. Sredstva će biti dodijeljena opštinama i gradovima na čijem području je registrirana bolest i opštinama i gradovima proporcionalno registriranoj šteti na poljoprivrednim domaćinstvima.”

Sjednica je završena u 17.45 sati.

Sastavni dio Zapisnika je transkript 9. sjednice Predstavničkog doma.

SEKRETAR
PREDSTAVNIČKOG DOMA
Marin Vukoja

PREDSJEDAVAJUĆI
PREDSTAVNIČKOG DOMA
Dr. Denis Zvizdić